

# BOST MINUTUKO IKASTAROA

Euskararen Erabilera Sustatzeko Plana

Kultura eta Hizkuntza Politika Saila

## Euskara hobetzen

Adingabe edo adin txikiko?

Hiztegi batuak biak onartzen ditu

Lehian egon dira azken aldian *adin txikiko* eta *adingabe* formak. Garai batean, *adin txikiko* ez zegoen onartua, baina gaur egun Hiztegi Batuak biak onartzen ditu. Ez ordea Berriaren estilo liburuak, *adingabe* bakarrik ematen baitu ontzat.

Hiztegi Batuak honakoak dakartza *adinaren* inguruan:

adin<sup>1</sup> 1 iz. *Norbait edo zerbait sortu zenetik igaro den denbora. Zer adin duzu? Adin berekoak. Adinez nagusia. Edozein adinetako zaldientzat. Zuhaitz baten adina. Unibertsoaren adina.*

2 iz. *Giza bizitza, denborari dagokionez. Bi semeak adinaren lorean hil zitzaizkion.*

3 iz. *Bizitza banatzen den zati bakoitza. Hiru adinak: gaztaroa, adin ona eta zahartzaroa. Adin guztiak elkarri darraizkio.*

*Adinean sartu Adin handira iritsi.*

*Adinean sartutako langile ugari daude Urdulizko lantegian. Berrogeita hamar urteko gizon adinean sartua zen.*

*Adinetara heldu.*

*Adinetara helduak garenok esango dugu halere, XX. mendean Euskal Herria ez dela lo egon.*

*Adinetara etorri. Ezagueran sartu, ezaguerara heldu.*

*Adin handi Urte asko dituen pertsonaren adina. Nekeak eta adin handiak ezindu zuten azkenean. Adin handian, ehun bat urte zituela hil zen. Adin handiko gizona eta gorputzez lodi.*

*Adin izanda/du ad. Ipar. eta Naf. Adin berekoa izan. Pello eta biok adin gara. Hura adin dut. || Ene semea eta zurea adinak dira.*

Adin nagusiko adj./iz. Adin nagusitasunera heldu dena. Ik. adindun. *Hautagai bakoitzak adin nagusiko seiehun bat bazkideren sinadurak aurkeztu beharko ditu.*

Adin nagusitasun, adin-nagusitasun iz. Legediak ezarritako adina, zenbait eskubide eta erantzukizun publiko izateko ahalmena ematen duena; adin horretara heldu den pertsonaren egoera. *Seme-alaben adin nagusitasunarekin amaitu egiten da gurasoen aginpidea, ondorio zibilei dagokienez.*

Adin txikiko adj./iz. Adin nagusitasunera heldu ez dena. Ik. adingabe. *Adin txikikoek gurasoen baimena behar dute haurdunaldia eten ahal izateko. Emakumeen eta adin txikikoen kontrako indarkeriaz arduratzen da sail hau.*

Hirugarren adin Zahartzaroa. *Hirugarren adinekoen elkarte. Hirugarren adinekoentzat sarrera doan.*

## Artikulua

Non ote daude hondartzara toalla hutsarekin joten gineneko sasoiak! Ez krema, ez giltza, ez ezer! *Beraneanteak* ginen eta nerabeak; gu etxeratu orduko beti zegoen norbait etxean.

Gaizki ikusita zegoen kamiseta luze bat baino arropa gehiago eramatea hondartzara. Eskupainua sorbalдан ezarri, eta txankletei tirriki-tarraka eraginez abiatzen ginen.

Esandako moduan, kremarik ere ez genuen eroaten; izan ere, eguzkitik babesten gintuzten kremak ez genituen ezagutzen. Amen kontua zen Nivea -pote urdinekoa, ez zegoen beste Nivearik- ematea. Azenario eta "behiaren krema" ere bazeuden. Baina horiek beltzarantzeko baino ez zuten balio, olio hutsa baitziren. Azala frijitzeko, alegia.

Gero, gutxira etorri ziren babeserako kremak. Orduan, kapazua erabiltzea beste erremediorik ez zitzaigun geratu. Gainera, trenean joanez gero hareatzara, dirua eta giltza ere behar genituen. nerabearoa pasata genuen! Behin lastozko kapazua hartuta, nik liburua ere sartzen nuen. Sekula ez dago-eta soberan.

Urik ere ez genuen eramaten! Lehen egarririk ere ez genuen izaten. Ez dakit nola egiten genuen. Iturriak bazeuden, baina ez dut gogoan bertaraino joatea edatera (ez zeuden hondartzan bertan). Orain nork pasa lezake plaia egun bat ur barik?

Hurrengo pausua krema gehiago eramatea izan zen: 50eko babes gradukoa,30ekoa, aurpegirako. Ezpainetako kakaoa ere sartu genuen orduan.

Zerbait jateko ere behar da. Batez ere egun-pasa joanda.

Bainujantzia aldatzeko ere sartzen dugu poltsan. Nerabezaroan barre egiten genion horri, atsoen kontua zelakoan. Orain denok kanbioarekin!!

Zapia/pareoa ere badaezpada. Erretzeko arriskua badugu, freskatzen badu,txiringitora joateko jantzi barik,..

Buruan jartzeko ere zerbait: kapelu, zapi edo bisera. Pintza/gomak ilerako luzetxo izanez gero, batu ahal izateko.

Hau bakarrik bakarrik edota lagunekin egun-pasa joateko! Umeak sartuz gero txangoan, ia guztia biderkatuta, gehi palak,pilotak, eskuarea, kubo eta abarrak! Ez nau harritu jendea ikustea gurditxoekin (errekaduetarako erabiltzen duguna) hondartzara joaten. Oso praktikoa! Batez ere, nik orain, aulkia eta eguzkitakoa eroaten hasi naizenetik! Ez da simplea *señora* eibartarra izatea!

Zelan konplikatatu dugun bizitza!

Leire Narbaiza

<https://eibar.org/blogak/leire/hondartzara-esku-hutsik-joaten-ginen-sasoi-baten>



Max Liebermann - Bañistas